

86. fundur í stjórn Menningarfélagsins Bergs ses.

7. maí 2019, kl. 16:30

Mætt: Dagur, Svanfríður og Valdimar. Margrét og Kristjana boða forföll.

Dagskrá:

1. Dagskrá í maí

Fyrir liggur fjölbreytt tónleikadagskrá í maí, en m.a. halda bæði Kvennakórinn Salka og Karlakór Dalvíkur vortónleika sína í Bergi.

2. Klassík í Bergi

Fyrir liggur yfirlit yfir listamenn sem eru að halda tónleika undir heitinu Tónaland. Berg hefur áður átt samstarf við Tónaland, þegar Pétur og úlfurinn var flutt haustið 2018 og öllum yngri börnum í skólum sveitarfélagsins var boðið ókeypis á þá tónleika. Listamenn sem koma fram undir yfirheitinu Tónaland stefna á að þeir tónleikar sem þau kynna núna verði á þessu ári þannig að ef samstarf tækist við þau yrðu þeir tónleikar að vera á árinu 2019. Stjórn telur mjög áhugavert að Klassík í Bergi eigi samstarf við Tónaland um tónleika í Bergi í vetur.

Dagur er í sambandi við framkvæmdastjóra Tónalands um listamenn, tónleika á næsta ári, dagsetningar og fyrirkomulag.

Einnig liggur fyrir erindi frá Hrafnhildi Árnadóttur, sópransöngkonu, dags. 30.4.2019, sem lýsir yfir áhuga á að koma og syngja í Bergi í tónleikaröðinni Klassík í Bergi.

3. Fiskidagurinn mikli 2019

Fiskidagurinn mikli er 10. ágúst. Rætt um mögulega dagskrá í Bergi í vikunni fyrir fiskidag. Dagur mun verða í sambandi við Júlía um verkefni sem samstarf þarf að vera um.

4. Endurbætur hljóð/mynd

Farið var í nýjar tengingar/lagnir fyrir nýjan myndvarpa til að hægt væri að nýta öll gæði myndvarpans þannig að nú á bæði mynd og hljóð að vera komið í gott lag.

Mikilvægt er að koma upp skjá í fundarherbergi uppi. Það er reglulega leigt út en skjá vantar til að fundaraðstaða sé betri og þar með betri nýting á húsnæðinu.

5. Aðalfundur

Stjórn þarf að boða til aðalfundar með 14 daga fyrirvara. Samþykkt að stefna á 28. maí í Bergi kl. 14.

Ljóst er að báðir fulltrúar Dalvíkurbyggðar ganga úr stjórn og einnig þarf að kjósa nýjan aðalmann þar sem Dagur hefur tekið starf framkvæmdastjóra. Kristjana og Svanfríður gefa áfram kost á sér í stjórn.

6. Önnur mál

- a)** Rætt um fyrirkomulag ræstinga.
- b)** Samþykkt að breyta áskrift síma Bergs og einnig að breyta áskrift að já.is þannig að sundurgreint sé hver í húsinu er með hvaða númer og að aðrar upplýsingar komi fram þar.

Fundi slitið kl. 17.40

Svanfríður skrifaði fundargerð